

ROISAN

L'agne de Pellisson

N'ayet eun cou pe eunna prèizoùn de *France* eun préizouì que l'ayé noun Pellisson : l'ie eun préizoùn mi can mimo l'ayàn léicha-lei vardì avouì lli seun violón. Can souave eunna mezeucca, eugn'agne vegnave se pouzì si l'arquette.

Eun dzo Pellisson di a la garde de la prèizoùn : « Mé si pa solette pe ma tsambra, no sen a dou ! ». « Commèn... V'ouite a dou ? » lèi dimande éton-aye la garde.

Lo préizouì repleuque tranquillo, eun sourièn : « Oué, no sen a dou. É, eun dièn sen li, pren seun violón é se beutte a souì ».

L'agne, comme la coutimma, bèiche ba pe son fi é veun se pouzì si l'arquette de Pellisson. La garde, sensa réfléchì, tchoué la pé-gna bitche avouì le man.

Lo pouo Pellisson, de si dzo li, l'é vin maladdo de tsagreun.

La garde, aprì seutta betize, l'é itaye punìa, vi que l'ayé gavouì i pouo préizouì sa seula compagnì : seun jeste l'é ittouù dje-djà avouì bièn de rigueue !



lo gnalèi



Région Autonome
Vallée d'Aoste
Regione Autonoma
Valle d'Aosta

Assessorat de l'Éducation
et de la Culture
Assessorato Istruzione
e Cultura

Tiré de :

Histoire de Roje Gal ; texte proposé par Adelina Roulet de La Thuile

Texte inédit

Collaborateur de Roisan pour la traduction : **Nadine Blanc**

La transcription a été soignée par le Guichet Linguistique

Mise à jour de la graphie : octobre 2013